

**Tiga Hakim Syarie Terima Watikah Daripada Raja Perlis
Bernama
26 Julai, 2012**

KANGAR, 26 Julai (Bernama) -- Tiga orang Hakim Syarie dan empat Pendaftar Mahkamah Syariah Perlis menerima watikah pelantikan daripada Raja Perlis, Tuanku Syed Sirajuddin Putra Jamalullail di Istana Arau, Rabu malam.

Mereka ialah Ketua Hakim Syarie, Saarani Ismail dan dua Hakim Mahkanmah Rendah Syariah, Mohamad Zaidi Abdullah dan Nurul Wazeera Ahmad Dahalan.

Baginda turut menyampaikan watikah kepada Ketua Pendaftar Mahkamah Syariah Perlis, Yusof Abd Manaf, Pendaftar Norhamiza Ghazali dan dua Penolong Pendaftar Nur Hamizi Hasan serta Md Akhir Majid.

Di majlis yang sama, Tuanku Syed Sirajuddin Putra menyampaikan watikah kepada ahli-ahli Jawatankuasa Peguam Syarie Negeri Perlis.

Turut berangkat ialah Raja Muda Perlis, Tuanku Syed Faizuddin Putra Jamalullail selaku Yang Dipertua Majlis Agama Islam dan Adat Istiadat Melayu Perlis (MAIPs).

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=683258>

